



Jamhuuriyadda Federaalka Soomaaliya
Golaha Shacabka

QARAAR GOLAHA SHACABKA

KU SAABSAN

KALSOONI KALA NOQOSHADA XUKUUMADDA
RA'IISAL WASAARASE M.NE CABDI FAARAX
SHIRDOON "SAACID"

A handwritten signature in black ink, appearing to be 'C. Farax'.

Muqdisho, 2^{da} December 2013

GOLAHA SHACABKA:

- Markuu Arkey:** Soojeedinta (mooshin) ka dhan ah Xukuumadda Federaalka Soomaaliya oo ay soo gudbiyeen 168 Xildhibaan;
- Markuu Arkey:** Qodobka 69-aad Faqradda 2-aad Xarafka (e) ee Dastuurka sida ku-meel-gaar ah loo ansixiyey iyo Qodobka 75-aad Faqradihiisa 1-aad, 2-aad iyo 3-aad ee Xeer Hoosaadka Golaha Shacabka;
- Asaga oo ku Kulansan:** Kalfadhiga 3^{aad} Kulankiisa 36^{aad} ee 2^{da} Diseembar 2013:

Qodobka 1aad:

Iyada oo ay Golaha fadhiyeen 250 (Laba Boqol iyo Konton) Xildhibaan, waxaa codeyey 249 (Laba Boqol Afartan iyo Sagaal) Xildhibaan. Golaha Shacabku wuxuu mooshinka Kalsooni kala Noqoshada Xukuumadda ku meelmariyey aqlabiyada 184 (Boqol Sideetan iyo Afar) Xildhibaan oo ayiday, 65 (Lixdan iyo Shan) Xildhibaan oo diiday, wax ka aamusayna ma jirin.

Qodobka 2aad:

Sida uu qabo Qodobka 90aad ee Dastuurka Federaalka wuxuu Madaxweynaha Jumhuuriyadda Federaalka Soomaaliya awood u siinayaa inuu kala diro Xukuumadda Federaalka haddii ay weydo codka kalsoonida Golaha Shacabka oo ah aqlabiyad fudud ka kooban (50%+1) tirada guud ee Golaha iyo in uu soo magacaabo Ra'iisal Wasaare cusubba waxay saaran tahay Madaxweynaha JFS.

Qodobka 2aad:

Sida uu xeerinayo Qodobka 90(d) ee Dastuurka Federaalka, taniyo inta uu Madaxweynaha soo magacaabay lagana dhaarinayo Ra'iisal Wasaare iyo xubnaha cusub ee Golaha Wasiirada, waxaa xilka sii haynaya oo hawl-maalmeedka sii wadaya Ra'iisal Wasaaraha iyo Golaha Wasiirada kalsoonida lagala noqday, oo ahaanaya xukuumad xil-gaarsiin (caretaker government) sida ku cad Qodobka 103aad ee Dastuurka Federaalka.

M.ne Muxammad Sh. Cusmaan "Jawaari"
Guddoomiyaha Golaha Shacabka

